

建始縣志卷之七

知建始縣事熊啟詠重纂

建始縣訓導賀九如參校

人物志

玉韞則山輝地靈乃人傑造物之鍾毓誠不數
暗矣建始自唐宋以來賢人君子忠孝節烈頗
不乏人惜前代無志可稽類多湮沒迨乾隆初
前令邱君創建節孝祠僅錄其姓氏而事實多
闕至於忠臣孝子概無聞焉嗟乎既蒐討之無

建始縣志

卷七人物志節孝

一

從徒臨風而致慨用此知沒世之稱亦有幸不
幸也今謹就袁君舊志所紀並耳目所及確有
考據者據事直書斷不敢以私意為增損耳志
人物

節孝

龍譚氏里民龍鱗金之妻

于黃氏邑廩生于大晟之妻

黃向氏里民黃大勝之妻

何李氏里民何允俊之妻

冉孫氏里民冉爾俸之妻

向陳氏里民向友乾之妻

楊于氏里民楊加秀之妻

黃向氏里民黃加隆之妻

王楊氏里民王端周之妻

何向氏里民何其全之妻

向黃氏邑庠生向孔文之妻

黃孫氏里民黃興福之妻

喻高氏里民喻國仕之妻

建始縣志

卷七人物志

向黃氏里民向登義之妻

吳湯氏里民吳洪泰之妻

楊吳氏里民楊君誠之妻

龍向氏邑庠生龍鱗九之妻

李劉氏里民李永校之妻

黃宋氏里民黃天桂之妻

唐吳氏里民唐達先之妻

劉于氏邑庠生劉白楨之妻

劉冉氏里民劉瓊之妻

張蔣氏里民張天福之妻

黃孫氏里民黃崙之妻

龍董氏里民龍相之妻

車蕭氏里民車瑞之妻

向于氏里民向大宗之妻

向鄧氏里民向乾之妻

張李氏里民張光宗之妻

江龍氏里民江葉之妻以上俱載湖北通志

李夏氏里民李潤之妻

建始縣志 卷七人物志 節孝

劉汪氏里民劉世選之妻

冉黃氏里民冉大潮之妻

龍向氏里民龍澤芝之妻以上俱請

于向氏里民于廷駒之妻

蔣李氏里民蔣仲逸之妻

龍黃氏里民龍廷順之妻

吳劉氏里民吳文書之妻

黃喻氏里民黃奇琳之妻

譚向氏里民譚學岩之妻

旌入祠

譚向氏里民譚延忠之妻
龍楊氏里民龍德裕之妻
姚陳氏里民姚廷孝之妻
饒劉氏里民饒從興之妻
向于氏里民向學龍之妻
謝劉氏里民謝紀常之妻以上士民公請入祠未蒙旌表
姚張氏里民姚耀庭之妻夫亡矢志守節熊姓強娶之因自縊乾隆三十六年旌表建坊縣南一里今坊猶在

建始縣志

卷七人物志 節孝

四

鄭張氏邑庠生鄭文會之妻姑性偏愛少子婦虐遇氏氏奉事惟謹一夕氏誕育姑不與火食越日課井曰亦甘受無怨時翁館於外聞之歸詢其事氏恐傷姑意力白其誣年二十九而孀夫弟謀奪其節氏聞之故跌傷肢體呻吟牀蓐暗使人戒娶者曰必若是先殺子後自殺也娶者懼乃止後姑病篤年餘氏捧負扶持不避臭穢甘旨醫藥不惜資財姑乃悔悟氏復善教其子孫相繼入邑庠乾隆五十七年旌表何孫氏里民何如淮之妻年十九夫故矢志守節敬

事舅姑勤儉持家義方訓子歿年八十三歲
張劉氏里民張傳智之妻事姑孝年三十夫亾或勸
改嫁氏剪髮明志守貞勿他適姑病癱日夜侍湯藥
不避臭穢為之吮唾癱竟以愈撫孤成立子含典入
邑庠嘉慶二十五年 旌表

鄭何氏里民鄭世傑之妻年二十一夫亾遺一子甫
四月家赤貧翁姑欲令改嫁氏勞面自誓撫孤守節
艱苦百端一日翁姑患疫症一門相傳氏在母家聞
信倉皇欲歸母兄阻之氏曰翁姑病篤忍心不返尚

建始縣志

卷七 人物志

節孝

五

覲然人世耶遂子身趨歸晨昏奉侍適歲荒家窘藥
餌無資且夫兄外出夫弟尚幼氏典釵市藥為人工
作以濟日用後翁姑歿殯葬一切皆氏女紅所蓄苦
節二十五年歿四十六歲子德聲入邑庠

龍譚氏里民龍欽之妻年二十八夫故矢志守節上
事孀姑下撫幼子歿年五十六歲長子澤英邑庠生
次子彩章邑廩生

劉于氏里民劉文炳之妻年二十五夫故矢志撫孤
孝聞閭里歿年六十歲子達坦歲貢生

潘鄧氏里民潘成琥之妻嘉慶六年春適琥其家貧無立雖婚甫三月琥外貿而止時姑已七旬氏年二十有四矢志守節紡績奉姑越五載姑歿殯殮無資鄰里高其節孝賻葬其姑撫旁支子以續夫嗣苦守三十餘年而歿閭邑士紳公舉入祠

張盧氏里民張傳柱之妻年二十五夫故守節四十七年孝事翁姑撫二子成立孫入武庠歿年七十二歲嘉慶二十五年 旌表

黃申氏里民黃文相之妻善事翁姑夫歿貞節自矢建始縣志 卷七 人物志 節孝 六
勤儉不懈漸臻饒裕補修橋廟施捨衣襦子二玉瓏玉珩皆顯達孫亦榮貴鄰里靡不稱其賢淑已請旌表入祠

陳鄔氏里民陳嘉品之妻年十九夫故子言斌甫八月氏矢志撫孤備嘗艱苦守節五十七年孫知新嘉慶癸酉拔貢曾孫開均邑廩生一門顯達鄉人咸稱節孝之報已請 旌表入祠

龍張氏邑廩生龍鍾之妻善事翁姑持家勤儉夫歿後苦志守節撫孤成名子人啟歲貢生舉孝廉方正

范蔣氏里民范佑鏗之妻年十六夫亾守節事七旬姑始終不懈鄉人咸稱頌之

何孫氏里民何光武之妻年二十四夫故矢志守節敬事姑嫜日夜操勤撫二子成立二十八年無間里人欽頌之

朱吳氏里民朱志綱之妻年二十夫歿無子舅姑勸其改節誓死不從家貧甚氏乃親組織勤織繅以奉旨甘翁姑歿竭哀盡禮撫姪子以繼父嗣

朱范氏里民朱啟茂之妻年二十夫亾無子立志苦

建始縣志

卷七人物志

節孝

十一

守勤儉持家撫堂姪光育之子為嗣孫守節三十五年鄉里至今猶傳頌焉

李朱氏里民李正釐之妻年二十二夫故敬事翁姑撫育二子苦節三十八年

郭劉氏里民郭桂柳之妻年二十四夫故其次子生甫四月甘貧守節始終不懈苦志四十四年

李鄭氏里民李正寬之妻事翁姑以孝聞年二十九夫亾淡泊自甘紡織不倦內言不出於閫親賓罕見其面守節三十八年

劉傅氏里民劉先慶之妻年二十二夫歿無子家貧誓不再適乃依母家守節苦志二十六年

戴楊氏里民戴先禮之妻年二十五夫故姑勸改嫁不聽矢志明心守節三十五年

魏康氏監生魏常貞之繼妻年二十四夫亡遺一子樹芝尚未彌月氏柏舟自誓立志撫孤並教養前妻子鶴齡均已成立遊泮且先意承志善事孀姑守節二十一年子樹芝由優貢考取教習直隸試用知縣朱劉氏里民朱任玉之妻年二十八夫亡家極貧姑

建始縣志

卷七人物志

節孝

八

老且病氏紡績工作克盡孝思撫育二子教之成立守節十有五年

劉饒氏拔貢劉雲章之妻年二十九夫赴朝考歿

於京師氏聞訃幾不欲生因念舅姑已老子女尚幼未忍即死乃脫簪典裙歸夫柩於數千里外日勤操作夜工鍼黹苦節三十五年子先達歲貢生

劉革氏里民劉本立之妻夫歿矢志柏舟潔清自愛勤持井臼孝事翁姑撫二子成立以上俱舊志

黃何氏邑庠生黃元明之妻年二十一夫故無子僅

遺一文氏苦節清操閨儀是式守節三十四年

謝饒氏里民謝世安之妻年二十四夫歿貞操自勵教子有方守節三十三年子顯鏞翰林院孔目銜

黃張氏里民黃志彬之妻年二十二夫亡家貧親老矢志不渝守節三十八年

胡子氏里民胡世富之妻年二十八夫亡次子自持阮窮堪憫守節三十三年

劉李氏里民劉得坦之妻年二十一夫亡賦性貞靜教子成名守節二十六年

建始縣志

卷七人物志

節婦

九

李陳氏已故江南徐州衛守備恩施李輝先之繼妻年二十三夫歿於任氏勤儉自持歸葬千里且孝行堪嘉守節二十四年

李潘氏文童李克美之妻姑早逝遺幼弟三氏恩撫若母年二十四夫故子正心甫四齡氏乃立志守貞獨持家政事翁最孝嗣繼姑冉氏又續生三弟氏待之尤謹逾於前弟後皆名成業就氏力居多越歲翁逝殯葬如禮弟婦饒氏魏氏以次俱孀時稱一門三節苦守二十年聲不出壺行不履庭親戚從無一語

者子正心邑廩生

張焦氏監生張光有之妻年二十八夫歿家貧甚氏矢志冰淵紡績自度敬事翁姑饗飧不缺守節五十七年

冉黃氏里民冉廣薛之妻年二十六夫故家貧子幼立志撫孤守節四十七年

徐劉氏客民徐景發之妻年二十七夫亡家赤貧氏紡績自勤撫子成立守節六十年

劉何氏里民劉國旺之妻年二十四夫故家貧親老

建始縣志

卷七人物志

節孝

十

氏飲冰茹蘗善事雙親迨翁姑歿喪葬盡禮守節二十二年

樊王氏里民樊仕倫之妻年二十五夫歿貞孝無虧女儀足式守節四十七年

萬丁氏里民萬表彥之妻年二十九夫亡家貧姑病氏侍奉勤謹數年不倦常禱於神願以身代復割股以和湯藥守節五十六年

唐向氏邑庠生唐賢傳之妻年二十八夫故仰事俯畜矢志無他守節三十九年

呂鄭氏里民呂興周之妻年二十六夫歿家貧姑瞽
氏貞操自勵晝夜辛勤事姑撫子以孝以慈守節二
十九年子德璜邑庠生

黃周氏里民黃文元之妻年二十五夫亡遺一子甫
週歲氏事親盡禮教子有方守節三十九年子先甲
由邑庠報捐貢生

黃龍氏里民黃景成之妻年二十三夫故言笑不苟
紡織自勤孝事舅姑善和妯娌守節四十二年

孫謝氏里民孫大壽之妻年二十九夫亡姑老子幼

建始縣志

卷七人物志

十一

氏矢志柏舟持家勤儉奉親教子備極艱辛守節二
十八年

何歐陽氏里民何啟興之繼妻年二十八夫故子幼
氏持家有法教子極嚴守節四十一年以上俱咸豐
十年旌表

羅余氏里民羅階陞之妻年二十八夫逝家貧親老
子幼氏清白自持飢寒不易孝事翁姑義方教子迄

今子孫榮貴家亦小康皆氏力焉守節五十五年孫
興雲邑廩生卿雲舉人現任貴州貴定縣知縣

何郭氏里民何尊模之繼妻年二十六夫歿無子氏

冰霜自凜勤苦持家姑年逾七旬病卧牀蓐者數
氏奉侍湯藥日夜不懈及姑逝盡禮盡哀守節十六
載內外無間言撫堂姪承祧以續夫祀

郭劉氏里民郭清柳之妻年二十七夫故沒泊自甘
言笑不苟勤紡苦績教子有方守節五十二年

劉李氏文童劉紹勳之妻年二十八夫凶矢志清操
克明大義詩書訓子善舉樂從守節三十年子鍾裕
業儒

劉李氏文童劉麟勳之妻年二十九夫歿尚勤儉寡

建始縣志

卷七人物志

十三

言笑教子有方守貞不二苦節二十三年子五六
昌列成均餘皆業儒孫輩林立

李饒氏文童李克潤之妻幼聰慧其父口授詩書輒
記誦不遺長讀烈女諸傳年二十一夫故遺一子甫
三月氏守困安貧晝勤紡績夜則篝燈課子鄰里咸
欲舉報力辭有待守節三十二年子正烜業儒

李魏氏文童李克俊之妻氏子歸後家益落年二十
三夫故營葬無措氏乃典釵治喪義方教子漸復家
業守節三十一年子二正茂正華均業儒

涂方氏里民涂大開之妻年二十四夫亡家貧如洪氏冰蘖自持艱辛不易守節五十一年

孫鄭氏里民孫亨豫之妻年二十九夫歿家貧上事舅姑饗飧不缺下教諸子詩禮傳家其仰事俯育之資皆氏鍼黹所得守節二十三年

胡李氏里民胡國賓之妻年二十七夫故家貧親老子尚襁褓氏勤苦自持阨窮堪憫守節四十四年

李周氏里民李學煩之妻年二十四夫亡子幼翁病氏侍奉湯藥朝夕不倦及歿盡禮盡哀守節四十年

建始縣志

卷七人物志

節孝

十三

莫陳氏里民莫國興之妻年二十九夫歿家貧氏藜藿自甘言笑不苟守節三十五年

徐朱氏里民徐林芳之妻年二十九夫逝家貧親老氏甘心苦節矢志無他守節三十三年

張何氏里民張久珩之妻年二十九夫故守困安貧晝夜紡織且善事繼姑始終不懈守節二十一年

周賴氏里民周東望之妻年二十一夫歿繼姑生三弟氏善承姑志竭力經營各完婚配守節四十八年

汪潘氏里民汪德泰之妻年二十九夫故家貧無子

僅遺二女氏飲水茹藥苦節彌堅守節三十三年
許吳氏里民許天麟之妻年二十七夫亾家貧親老
氏勤紡苦織以佐旨甘三十年阨窮苦節鄰里稱之
吳徐氏文童吳祚選之妻年二十二夫因就塾溺斃
氏立志守貞終身不御紅紫事親以孝教子維嚴辛
苦操持卒承門業守節二十八年以上新增

鄒彭氏里民鄒忠貴之妻家赤貧灌園食力奉養翁
姑其姑馬氏素患腹疾發時則昏昧無知氏日侍湯
藥寢食幾廢一日會陰雨其姑思食木耳遍尋無獲

建始縣志

卷七

節孝

古

忽見古堰塘邊有老柳一株枝幹參橫倒垂水面上
生木耳氏緣木採取失足墜水中自料無生理忽空
中雷電大作若有掖之起者隨躍於隄岸豁然雲霧
天開有農民李玉書者聞聲往視見氏已端坐隄邊
通身水溼因扶至其家灸火更衣歸見姑病劇急煮
木耳湯以進越日病瘳里人頌之以為孝心所感云
李黃氏邑庠生李學偉之妻事姑極孝姑忽染危疾
醫藥罔效氏乃焚香默禱割左股雜湯藥以進姑病
旋愈鄉里至今猶稱頌之以上舊志

龍澤江歲貢生三歲失怙母董氏守貞撫孤及長性
醞謹事母最孝尤承志力學年十八入泮隨食廩餼
適母病衣不解帶奉事湯藥迨卒時號泣弗輟冰漿
不入口幾不欲生母以節旌江以孝聞鄰里傳為
佳話且績學課士及門成就者八十餘人

何鍾祥性謹厚篤天倫父早逝事母極孝乾隆五十
二年母患痿痺之症飲食起居悉賴人力鍾祥躬親
奉養從不假手家奴母亦非鍾祥不食委曲承順七
年不倦母歿哀毀過甚絕而復甦者數次既葬築室

建始縣志

卷七人物志

節孝

十五

於塋廬墓兩載始返子義濤邑增生孫曉山由歲貢
保舉訓導培三邑庠生曾孫先輝旌表孝子先炳

邑廩生先煒孝廉方正先娘邑庠生

陳世華幼失怙長事母尤孝每食必奉旨甘值嚴冬
母性畏寒華預解衣卧俟衾暖起始奉母寢年九十
六而卒華朝夕哀痛水漿不入口者數日至今梓里
猶稱頌之以上舊志

黃萬元世業農家貧事親尤孝每於田間工作勤勞
節用甘旨無虧鄉黨咸雅敬之一日外貿過大溪覆

舟隆水漂流三十餘里遇救得甦此咸豐初年事也
人皆以為孝之所感云

何先輝幼業儒敦孝友崇節儉累於家政父足廢目
瞽輝服勞奉養始終罔懈每家有空乏必多方掩飾
不令父知適咸豐八年送兩弟赴鄉闈輝後歸值隆
冬為父購羊裘途次遇大雪染寒疾或勸其暫衣者
輝不允抵家病已不支諸父責其愚強衣之輝謂妻
曰修短有數服此終不安亦行其心之所安而已命
妻私易之病遂篤尋卒遺一子志坤業儒

建始縣志

卷七人物志

節孝

六

鍾德喜邑南農夫也家赤貧父早逝母張氏撫喜弟
兄三人俱各分居喜日則傭工夜則自種儉約所餘
以養老母冬為母溫席稍暇即澣濯補綴亦與焉事
母二十餘年旨甘無缺喜之兄弟迎養喜弟去也且
友愛出於至誠農人中洵不多得矣

何先輝號管卿歲貢生候選訓導何曉山之長子也
沉靜端凝善繼父志事繼母尤謹母亦愛護珍惜逾
於所生友愛昆弟篤厚交遊處已淡泊待人恒推解
不吝蚤歲成名益自謹飭雖生長城市而足不出戶

庭惟以讀書為業同治元年由邑廩生選舉孝廉方正方擬北上遘疾卒士林惜之遺一子志壁甫二歲以上新增

貞烈

黃劉氏文童黃道清之聘妻家貧甚年十八未婚配道清物故氏聞訃痛不欲生即更素服隨母往弔遂於夫家修子婦禮哀毀守制安貧苦節孝養翁姑一日姑病甚劇氏乃清夜焚香默禱割股丸藥以進姑歿喪葬盡禮守節四十二年雖家世貧寒屢告空乏建始縣志

卷七人物志

貞烈

志

而勤紡苦績藜藿自甘從無乞貸於親友者撫夫弟之子以續夫祀

黃烈女邑南三百里茶蓼河人性貞靜習女儀家貧父母早逝年弱冠有鄰村惡少窺女少艾屢欲調戲未果一日適家人皆外出田作潛入室中強污之女悲憤莫釋即不欲生惟念沉寃未白一死不甘乃不辭勞瘁登山涉水赴城鳴官惡少聞風遠颺案懸未決氏抑鬱計窮遂赴城南漩龍灘投水身死此嘉慶二十一年事也業已旌表

田烈女莫考其里居年十四父母早逝家貧無依道光十九年冬隨楊媪行乞建城一夕避風雪於破屋適乞人呂雙幅亦投宿於此見女少艾輒挽楊媪求合女拒弗許雙幅夜奔強逼女憤罵繼復持刀恐嚇女益辱罵不止幅怒及傷其喉而死事聞官為昭雪題請旌表建坊於城南河畔今猶存

行誼

楊永申字道岸邑庠生家貧好學事親克孝教子弟則以正心術端人品為先務遊其門者恒多謹飭之

建始縣志

卷七人物志

貞烈

六

古卒年八廿有三是歲尚主講五陽書院子列三邑庠生

劉淑元字此翁邑庠生居家以孝友稱與兄調元敦古處不修邊幅生平親賢好善嫉惡如仇每對客談經史娓娓不倦必舉其賢者以為勸不肖者以為戒數十年如一日里黨私諡之曰端卒年七十有一子衡坦邑庠生

陳言斌字省齋監生幼失怙長事母尤孝喜怒必順嘉慶初教匪倡亂遂與同里萬正楚團練鄉勇保衛

地方並捐貲鑄造大砲呈官以備擊賊生平品行端
方且能言凡排難解紛靡不使之冰釋不涉於訟里
人皆服其公正卒年六十有四子知新選拔生孫開
均邑廩生

楊義鳳邑人居家孝友好善樂施訓子弟以義方出
秉耒入橫經自奉儉約留有餘以周貧乏嘉慶二十
二年夏月夜大雨門前溪水陡漲起視隄防失足墜
水漂流里許電光中見樹木攀緣而上乃免鄉里咸
謂天之報施善人不爽卒年七十子培之孫文成章
建始縣志

卷七人物志

行誼
忠義

充

成俱邑庠生

吳時亮字麓溪早年食餼事親孝且於弟兄友愛異
常讀經史尤能精研其義後右手以疽廢乃習左書
頗得王逸少筆意行文無論大小悉有別致從遊者
多所成就卒年五十有九子嘉玉業儒

以上舊志

忠義

張龍

陳進榮

楊宗禮

胡鳳

胡天貴

陳春

黃志德

李士洪

楊宗武

以上俱係建邑營汛兵丁

李允卿

蘇敬德

盧以清

王正榜

王叙武

吳中義

李堯倫

向元松

解映梅

向學珍

李洪恩

蘇大海

陳言達

龍德勝

建治志

卷七人物志

忠義

三

晏

陞有傳詳武勳

杜鳳朝

萬世方

羅天元

平安雲

宋丕振

劉士龍

張大榜

向子夏

蔡學道

向鳳林

田朝應

田元一

田俊

向先枝

賀先爵

向貴

曹安邦

王光士

周福遠

郝老大

尹興有

尹嗣子

黃國選

彭東桂

楊起元

彭明重

孫士榮

唐廷聰

戈從順

汪士忠

唐依忠

王兆

毛成順

龍發林

黎槐黃

建始縣志

卷七人物志 忠義

三

張明楚

汪家書

金大鵬

張萬明

陳文榜

吳洪才

王光元

曹士科

劉廷開

陳正堯

熊會珍

朱成學

李開祿

尹登玉

陶朝魁

王起龍

周國稅

鄒登科

黃禹排

楚清坤

冉國仁

以上俱係建邑鄉勇皆嘉慶元二年從征教匪陣亡者

方外

玉峯禪師不知何處人氏明時往來建邑初在小茶園建寺既入石通洞煉丹一日有樵者母病篤無喪具倉卒過洞門師知其故問曰爾需幾何答曰三兩足矣師命取一石來樵者取石不大師曰爾心頗誠

建始縣志

卷七人物志

方外

三

置鑪中煉之成銀三兩樵者遂以辦喪嗣有詭辭往懇者師亦曰取石來其人取石極大師哂之姑置鑪中煉不成銀乃叱之曰爾心不誠胡為乎囉哩耳遂去不知所在

按四川夔州府志王玉峯不知何許人非釋非道明萬歷年間居羊耳山修道以符水救人病至巫山士庶爭敬之臨去有柳監生者求遺跡乃燒鑪火取磚半塊頃刻煉成白金仍留一角未化與之尋至夔郡人皆尊禮之太守以為妖

拘責之守遂大小便不通旋求玉峯乃愈後移
建始縣居石通洞數載莫知何之

建始縣志

卷七人物志

方外

三

